

沈亮從事軍中政訓文化工作，生於動亂，長於憂患，爲國家流血流汗而不望回報，可說是近代中國知識份子的典型。沈氏家教成功，蘭桂騰芳，子肖孫賢，長子遠濟爲留長，各有職業，殊堪告慰。

美核子工程師，次子中平現爲美國克萊斯勒汽車公司總經理。另外女兒及孫輩亦學有專長，各有職業，沈氏廁身庠序數十年，折節讀書並潛心

美術、文學藝術論著述，有「中國文學概論」、「文學藝術論」、「國際組織與現勢」及「國際現象學」等著作。另有詩文多種，均是傳世之作，裨益文教學術界甚多。

# 精中求全・全中求精

康保延

## 一馬洪林等編「康有爲先生文集」序

客歲孟春，上海師範大學馬洪林教授惠書，謂所撰《康有爲大傳》流布後，頗得各界好評，今承廣州花城出版社發願出版《近代嶺南文學家書系》，其中《康有爲先生文集》部分委以馬氏主編任務。囑余提供資料，以備采擇。於是乃出舊存未刊稿及新得遺稿若干篇，陸續奉寄。及後又囑爲序，慨然應之，蓋藉此表達感想，以述積鬱之意也。

先祖以化人自況，爲乘願救世而生。在世七十載，屢以不同面目示現。衆人以其多方面之成就，稱之爲思想家、政治家、教育家、經濟學家、佛學家、儒家、旅遊家、書法家、散文家、名詩人及文物收藏及鑑賞家等，其實雖成就不同，其爲遂成救世之願，則無異也。嘗聞先祖每有述作，常如成竹在胸，一氣呵成，援筆立就，需要勞神苦思之處不多。亦有三思而定，反復修改者，似亦不太費力，故能多文以爲富。待詩文既成，讀之者，或歡欣吟詠、輾轉傳抄，非有他故，直以其作品所見者遠大，能反映時代脈動，走在時代前端，爲天地立心，爲衆人代言，且文采斐然，感受深切也。時人無論敵友，咸認先祖詩文痛快淋漓，霸氣逼人，且格調新異，自成面目。雖大文豪閱之，莫不心服首肯，振動舞蹈，而不能贊一詞也。雖然先祖爲文，並非率性直言，實有法度，特不爲法度所困耳。先祖自述文之法度，有《文鏡》一書，惜已亡佚，傳世者有《文章》、《修辭》二篇，見先二姑母同璧女士所編《萬木草堂遺稿》卷六，世人見者不多。今馬教授主編之《文集》中有「文論」一卷，凡讀是編者，當留意焉。又先祖爲文，定有宗旨：有益於當世，無害於人心。立言如立德，不作佞諛之文。

先祖逝世後，遺著散佚，幸得二姑母同璧女士董理，奈僅撰有《康南海先生年譜續編》及《萬木草堂遺稿》二書，惜未竟全功，齋志而歿。其女羅儀鳳表姐，知獨力難繼，乃遵其母所囑，將家藏全部書稿送交國務院，其意冀有志研究史學者，得以共同闡揚康學，但國務院竟將該等書稿，深藏密封，束之高閣多年，至感痛惜，余真誠呼籲，懇請主管當局，早日開放該批書稿，公之於世，使治史學者得以自由研究之，此爲吾康氏後人日夜所祈盼者。

頃聞馬洪林教授告，謂與盧正言先生合編《康有爲先生文集》，內分詩賦、散文、序跋、文論、游記、信札、政論、年譜等八卷，訂爲十冊，都三百萬字，行將編竣，鴻篇巨製，分門別類，注釋簡明，以精中求全、全中求精爲旨。馬氏曾參加編撰《中國近代史辭典》、《中國近現代史大事記》及《康有爲大傳》等書，今藉其多年編撰書籍經驗，編成《康有爲先生文集》，以供海內外喜治中國近代史學者研摩，更求史家之公平論定焉。

歲次甲戌（一九九四）端午南海康保延敬誌